

小倉山房外集

序

隨園先生古文三十卷以駢體六卷爲外集命

英按散行文尚矣然體裁必相題而作常讀韓昌黎黃陵廟碑柳子厚湘源二如碑索索無味令人不得不思王楊盧駱蓋題本似詭難以質言而表啓賀謝之類無甚意義非徵典不文非耦語不莊先生于此體不多作亦不輕作存者若干古藻纒紛大氣旋轉足冠一朝英擬學李善注文選以公之于天下苦讀書不多未敢貪相妄測乃先爲之揭其立言之旨而箋釋之功姑俟諸異日常州受業門人翰林檢討李英拜撰

題隨園駢體文

飛書用枚臯典冊用相如子雲實有言兼者其誰與文章有儷體六經開權輿凡物比奇耦整散爲密疎取材各有宜載道無差殊揚馬盛西京班張冠東都典論推七子繼美稱庾徐皆仲七襄手共握璇璣樞袁公秀江東珥筆游蓬壺是古制誥才學士同中書顧以沈宋身出曳蠶黃裾仕宦忽不樂買山賦閒居栽花作友朋列屋成畫圖發揮巧匠心結構隱退廬萬卷圍一身才氣橫太虛位卑乃著作李翱言有諸詩文積三篋億萬光明珠談笑出五能宿漑聊大夫戶牖筆併陳瓶甕楷墨儲皇皇四大文雲霞相卷舒百家入箴縷羣史供庖厨一索貫萬錢任沈顏謝俱文律一動播宮商卽奔趨詞

源一沃蕩河海咸灌輸越昭事益博慮周藻相敷手持
注水箭放溜决川渠思風鼓言泉造化不得拘武夫與
悍卒願爲老鐵奴序傳祖十翼表啓根三謨銘志列俎
豆廟碑肅瓊琚以意立真宰以氣爲匡扶彩繡赴纂組
英華恣含咀花骨屬天稟綺靡亦其餘翡翠戲蘭苕鴛
央立芙蓉纏綿風月懷曲曲相縈紆此體有正宗不收
歐陽蘇何況陳迦陵碌碌章與吳我胸無書籠我腹非
冶爐曾職應付文同官笑其僮自慚張伯松不識楊雄
徒公文我獨嗜負弩充前驅敢學皇甫謐佛頂強加污
乾隆己丑落燈夕館後學蔣士銓題

小倉山房外集 六卷

卷之一

表

擬乞假歸娶表

爲尹太保賀平伊里表

爲莊撫軍賀平伊里表

爲黃太保賀平大金川表

代江南紳士謝 萬壽恩科表

序

鶯脰湖莊詩序

萬栢坡藥子集序

送姚次公刺史之景州序

許南臺悼亡詩序

送尹宮保熱河陪宴西戎序

卷之二

序

贈樊生序

尤貢甫出塞詩序

紅豆村人詩序

周石帆學士西使集序

繡餘吟序

送梅循齋總憲歸宛陵序

李紅亭詩集序

岳水軒詩集序

陳古漁詩概序

王郎曲序爲溫皆山吏部作

卷之三

序

尹公七旬生日授文華殿大學士序

孫小玫簪花圖序

尹似村公子詩集序

竹軒小集詩序

送尹太保從兩江入閣序

瞻園小集詩序

俞楚江詩序

瞻園兩公子送行詩序

尹文端公詩集序

熊蔗泉觀察詩集序

祭文

代渤海相公祭尹太保文

祭吳桓王廟文

公祭襄勤伯鄂公文

檄吳縣城隍神文

祭盧恭人文

卷之四

書

上尹制府書

答王厚齋書

與蔣荅生書

與延綏將軍書

與雨林似村兩公子書

上台觀察書

慰蔣用菴侍御失火書

與楊蓉裳兄弟書

卷之五

啓

代許方伯爲高太恭人徵詩啓

謝金撫軍薦博學鴻詞啓

擅責旗廝謝岱將軍啓

謝薦擢高郵刺史啓

上尹制府乞病啓

爲黃太保賀經略傅公平大金川啓

謝蘇州太守趙文山啓

賀尹太保側室張氏封一品夫人啓

謝瞻園託大中丞賜牡丹啓

爲雲華君舉補圖徵詩啓

謝尹太保和詩啓

謝慶侍郎贈灰鼠裘啓

代請熊滌齋先生重赴鹿鳴啓

募修成仁菴疏

卷之六

碑

任勇烈公神道碑

御祭卞忠貞公墓紀恩碑

重修于忠肅廟碑

兵部左侍郎凌公神道碑

東閣大學士蔣文恪公神道碑

六營公立兩江總督尹公去思碑

餘杭諸葛武侯廟碑

墓志

莊西麓先生墓表

誥封奉政大夫江南左營遊擊孫公墓誌銘

誥封資政大夫常德府知府張公墓誌銘

誥封奉政大夫丹陽縣知縣魏公墓誌銘

汪君楷亭墓誌銘

客吟先生墓誌銘

聰娘墓誌

卷之七 補遺

代祝兩江節相渤海公七十壽序

陳涇南修禊詩序

金賢村太守詩序

海軒先生六十壽序

謝渤海相公元旦賜鹿豕鵝鴨等物及福字啓

爲章太宜人七十徵詩啓

郡文學呂君墓誌銘

孫薇省亡妻王孺人墓誌銘

徐君禮珍墓誌銘

陳淑蘭女子詩序

劉霞裳詩序

贈儒林郎翰林院待詔厚齋項君暨姚安人合葬墓志銘

贈中議大夫孝廉隱谷孫君暨范太淑人合葬墓表

清娛閣合刻詩序

宮闈雜咏序

卷之八 補遺

序

禮親王世子檀樽主人詩序

豫親王世子思元主人詩序

陳檢討填詞圖序

宮闈雜咏序

清娛閣合刻詩序

公祝奇麗川中丞五十壽序

代

墓志

恩賜世襲雲騎尉羅漢門縣丞陳君墓志銘

記

小倉山房 上 目錄

重修錢武肅王廟記 代李太守作

房外集卷一

錢唐袁枚子才

搨乞假歸娶表

臣聞五算徵民嘉禮首隆辟合三清諭職詞臣本屬閒曹故知納幣親迎卿士可以告越境反馬春秋不譏曠官况乃官在婚先妻因夫貴釋褐與結褵並賦花釵與爵弁齊明長源成婚北軍供帳敏中來婦金紫迎風凡文人未有之榮皆 聖代遭逢之盛欽惟 皇帝陛下兩儀合撰三皇如春秉龍德而山澤通吹鳳管而雌雄應雖上林鳴鳥無不帶露雙飛卽太液游魚亦各銜恩逐隊固已民無怨曠草盡繁蕪臣西浙童牙

寒門白望十二歲舉茂才二十歲舉鴻博樂昏未擾即

來觀國之光皇雅未歌無暇房中之奏是以十年不字

三族無虞藉瑟琴平學道之心懼兒女累風雲之氣雉

朝飛而有曲雁宵奠以無聲茲蒙 皇上聖恩選臣為

翰林授臣為吉士才非李白登七寶華牀學愧康成註

三商昏義采蘋采藻方陳太史之詩一陰一陽未卜家

人之卦因五夜之待漏驚三星之在天愧六禮之行遲

感九重之恩早賜面藥口脂于漢臘男子受之而不芳

考襄衣綸翟于周官鮒生讀之而有羨蓬山風冷東觀

宵長簪筆則金粉飄零早朝而衣裳顛倒偶然割肉無

可相遺即賜沐湯不願居外青綾被好孤熏郎署之香

黃○紙○緘○封○虛○貯○孺○人○之○號○仙○侶○疑○其○命○隻○中○消○笑○作○童○
真○如○臣○者○想○亦○媒○氏○所○平○章○村○公○所○調○變○者○歟○今○乃○故○
鄉○冰○泮○下○達○書○來○或○盼○遊○子○以○倚○闥○或○布○几○筵○而○筮○日○
鄰○夸○衣○錦○晝○可○還○鄉○兒○饜○君○羹○歸○當○貽○母○承○筐○無○實○已○
歸○妹○之○愆○期○有○女○懷○春○非○吉○士○其○誰○誘○而○况○單○鳧○寡○鶴○
豈○宜○濫○列○鸞○行○介○特○孤○丁○未○敢○纂○修○吉○禮○伏○求○皇○上○
賜○臣○歸○田○之○假○成○臣○合○盃○之○榮○雙○鳳○闥○前○許○借○飛○龍○之○
廡○三○神○山○下○輕○回○弱○水○之○船○取○清○俸○以○陪○門○五○兩○不○過○
率○陰○臣○而○拜○闕○九○十○其○儀○將○見○燭○撤○金○蓮○光○來○天○上○袍○
披○蜀○纈○香○到○人○間○史○筆○催○妝○銀○管○耀○青○廬○之○色○天○錢○撒○
帳○女○牀○聽○鸞○鳥○之○鳴○當○天○下○有○道○之○時○我○黻○子○佩○趁○父○

步。八。磚。而。卽。至。不。敢。迷。花。歌。味。且。以。趨。朝。同。聽。警。枕。
母。俱。存。之。日。男。唯。女。俞。明。年。春。水。生。時。屈。指。微。臣。來。日。

爲尹太保賀伊里盪平表

臣聞王者大一統之義春秋復九世之仇古之聖人握
金鏡秉神機固將亭毒八荒虛牟六合也然神禹導河
不過積石秦皇立界止于臨洮軒轅轡野之師高辛觸
山之務成湯三股之伐周王鮪水之誓雖智竭囊底而
功止寰中未有我武惟揚窮天之界如今日者欽惟
皇帝陛下。一。人。有。慶。五。嶽。無。塵。海。水。不。波。閭。摩。訶。無。使
者。青。雲。千。呂。知。中。國。有。聖。人。固。已。絕。地。通。天。瞻。雲。奉。律
矣。惟。準。噶。爾。夷。部。僻。處。西。陲。跳。梁。沙。漠。稽。兩。朝。之。文。化
煩。列。聖。之。天。心。櫜。矢。來。庭。則。許。甘。松。之。互。市。赤。囊。報
警。則。鳴。琅。鐸。以。專。征。張。弛。異。宜。德。刑。兼。用。亦。以。事。機。有

待夷性難馴故也。今天誘其衷，神厭其德。達爾札與達
瓦齊等篡弑，相仍風災迭起，撐犁不識，敢倚天驕。朝定
無人，自然鳥散。車楞吳巴什等率衆投誠，阿木爾撒納
等領軍踵至，或吹蠶享使，或勢而請兵，或失鉢請除。一
官或燒當，願當一隊。國中牛馬盡，向南眠。天上旄頭早
看星落五單于，爭立是匈奴。降漢之年九節度，出師正
回紇尊唐之日我。皇上擴覆載之仁，不置遠方于度
外。運照臨之智，早悉此虜於目中。于是牙璋先頒，金瓠
獨斷。贊蔡州之伐，惟裴度一人計。烏桓之兵，屈陳湯五
指。從瀛上騷除瀚海，取灰盤指盡天山。歸漢封君，啟關
者卽加顯擢。袂衣作衛，鳴鏑者俾作先驅。西北分兩道。

之○兵○聲○勢○動○九○天○之○上○如○太○陽○之○沃○霜○雪○所○過○皆○消○警
久○早○之○得○雲○霓○歸○來○恐○後○蛇○矛○未○拔○銀○鶴○先○奔○遂○窮○寇
而○狐○尾○頭○低○草○降○書○而○羊○皮○紙○盡○但○整○六○師○而○返○不○見
一○虜○而○還○萬○馬○禁○聲○盡○解○鞍○而○蹴○踟○諸○夷○無○事○將○質○犢
以○耕○耘○開○塞○門○招○壤○奠○之○臣○取○流○沙○爲○附○庸○之○國○惟○聖
人○之○德○大○斯○不○怒○而○威○亦○王○者○之○功○高○故○有○征○無○戰○踐
龍○庭○之○草○露○偃○春○風○出○玉○門○之○關○花○開○內○地○伏○念○我
聖○祖○遠○滅○延○佗○河○西○遺○種○我

世○宗○窮○搜○棘○鞬○黑○水○雷○州○凡○祖○宗○累○年○未○竟○之○貽○謀
皆○皇○上○一○旦○纂○成○之○鴻○業○金○山○擒○車○鼻○本○文○皇○漏○網
之○魚○渭○水○謁○單○于○慰○高○祖○平○城○之○憾○被○我○純○績○戴○我○金

犀飲朱提者三千人而未乾置驛遞者六百所而更遠
從此受降城下新來冠帶之民都護府中不用防秋之
策禽黎呼毒望氣來庭煎鞏黃抵聞風請吏拔銅柱以
掃地取金人而祭天化此輩爲孝子順孫何嫌荒服呼
中國爲仙宸帝所都恨來遲臣職任兩江神馳九陸想
北闕凱旋之日正南風解慍之時愧滅旻之才遍數三
十六國譯朱普之句敢增千百萬言一曲鏡歌聽策勳
于太史兩階千羽願增壽於龍顏

爲莊撫軍賀平伊里表

臣聞時不可失而知幾惟聖人功有非常而止戈惟王者歸邪星出國有降君騶虞獸來邊無烽警是以漢臣中西域而立幕府唐皇取松外而置縣官猶欲刻玉燕然鐫金青海况單極以外淳維之苗率土來歸無思不服求之邃古寶所希聞欽惟

皇帝陛下八紘靜塵十洲澄鏡久已填廬山于蘇縣擁狼望于黃岡惟準噶爾部落遠恃流沙荒騎大漠屢積質子不供包茅我

聖祖萬乘親征掃麟螭之絕塞我

世宗五兵暫戢貸鳥鼠之餘魂如後漢之與南夷七擒

七。縱。比。延。光。之。于。西。域。三。絕。三。通。未。嘗。不。以。丹。水。之。師。
遠。期。伯。禹。崇。墉。之。伐。深。望。姬。昌。也。今。達。爾。扎。自。嚙。焦。黎。
達。瓦。齊。形。同。戶。逐。牛。羊。不。壯。知。突。厥。之。將。亡。魚。鼈。無。橋。
識。東。明。之。不。渡。坐。金。牀。以。望。太。歲。星。拱。中。華。祀。獬。狴。而。
問。大。神。巫。誇。漢。盛。是。以。車。楞。烏。色。什。與。阿。睦。爾。撒。納。等。
或。舞。天。先。至。或。嗅。地。旋。來。當。是。時。也。五。幡。遺。孽。只。用。箠。
笞。九。塞。旋。風。俱。需。鞭。打。倘。杜。紫。拒。單。于。之。上。表。則。安。國。
必。捲。帳。而。自。驚。班。超。還。疏。勒。而。先。歸。則。黎。奔。以。遠。漢。而。
自。到。懷。皇。仁。者。雖。歌。燮。木。議。國。事。者。爭。棄。珠。厓。聖。上。
以。為。非。常。之。原。黎。民。所。懼。先。幾。之。務。惟。斷。乃。成。在。貞。觀。
之。拒。康。居。雖。云。量。力。而。建。武。之。辭。西。域。終。少。雄。圖。乃。射。

苑竹以下西羌推棋枰而決大策。贛盾一戟龍麗十重。網設周陸軍歌鐵拔以党項爲前導。故知吐谷之風沙。假北撻爲疑兵。遂抵焉耆之巢穴。周道如砥。漢將皆飛。反首芟舍而奔者。膚行如風。繩行沙度而來者。視道若咫尺。黑山四百三之部落。耀朔方十八萬之旌旗。雪嶺橫。天上下搜而全無虜跡。賢王伏地。左右視而都是陪臣。築三受降城。置五屬國。府使漢家長。無北念。信中國。果有聖人數。武庫之兵未遺一矢。計鬼方之克。何有三。年檄傳古莽而猶驚。碑借崑崙而尚小。凡魚支之鞞。婆駝之樂鼈。封三日。權扶兩頭。朱蒙爲河伯。外孫老胡號大荒樸。父靡不分。頒將士布列郊圻。圖王會于明堂坐。

舌入于門外陳牲告廟慰

列祖在天之靈晉冊承歡加

聖母深宮之膳捷書夜至羣臣悟怯戰之非恩旨朝

頒天下以從軍爲樂臣伐吳定策既有愧于張華平蔡

刊碑又有慚於韓愈願譯歸義之章隄官隄構更歌奉

聖之樂獨鶴琴驃庶申雀躍之忱聊補饒歌之闕

爲黃太保賀平大金川表

臣聞天地生成溫肅並行之謂道皇王敷化神武不殺之謂功德至聖則股肱之効力也神化極隆則宇宙之包容者大欽惟

皇帝陛下秉神機而理百度握金鏡以御四方震自國中金輪光湧指南車上鐵轄痕消久已四海鶉居八荒蛾伏乃逆苗莎羅奔良爾吉等夜郎自大邛竹未供懷駒支漏洩之謀走巽翫蠶叢之路以爲湯升阨野巢伯可以不朝禹會塗山防風且將後至皇赫斯怒我武惟揚街亭撤馬謖之軍巴蜀用崇文之將設金方一道從枕席行師聚米殿前早見丸泥之狀借籌闔內預知

沃雪之功蓋王者之兵原不得已而後用非常之將亦
乘成訓而始行則有經畧臣傅恆穆行忠衿義心清尚
雷符星斗光顏自有旌旗干櫓戈矛賀齊別爲文畫磨
劍則唼峒飛雪彎弓而太白揚眉金累爲之開山黔廡
爲之領路斬皇甫文之頭先除謀主超張須陘之柵多
用奇兵百尺井闌射公孫樓上千羣火雉投姚襄陣中
周訪之兩甄忽鳴光弼之三麾至地山形拔而不假五
丁之力天網密而但求一面之開正月初六日逆苗面
縛詣大軍乞降當是時也雲捲天衡日生倍璫砂能表
赤大書北向之旗水尚知歸敢射南飛之鴈在諸將以
爲獸將入檻雖搖尾而法無可寬在聖人以為鳥已

含○環○既○投○懷○而○情○難○盡○殺○蓋○當○日○之○興○師○也○原○非○貪○其○
土○地○人○民○而○必○置○之○于○死○故○此○日○之○受○降○也○實○不○忍○其○
悔○過○服○罪○而○姑○宥○之○以○生○于○是○廷○光○城○下○馬○燧○披○襟○回○
紇○帳○中○子○儀○免○胄○妖○徒○腐○至○捧○牢○賞○以○趨○蹕○穢○人○兒○啼○
擊○蒙○排○而○泣○下○俟○錢○寶○布○爭○貢○包○茅○渝○舞○巴○歌○長○糜○粲○
木○赤○眉○得○不○死○之○詔○南○人○無○復○反○之○心○火○鼠○窮○郊○畱○將○
軍○畫○像○元○蹄○外○境○傳○露○布○風○聲○羣○獠○聽○飲○至○之○文○吹○蘆○
相○告○野○老○讀○班○師○之○詔○鼓○缶○而○歌○大○凱○來○旋○策○勳○告○廟○
此○皆○我

祖宗在天靈爽暗靖妖氛我

聖母覆物仁慈挽回和氣故能有征無戰惟斷乃成念

切顯揚式崇 徽號宣仁家法安邊塞于宋朝太姪徽
音贊耑征於周伯輝生寶冊喜溢彤庭臣未列銀刀空
名節度願供金版上佐秋官羌女呵陵曾隸韋臯之籍
夷男始艾愧無仲郢之功遠百辟之班聯心知舞蹈獻
九天之春酒花滿江南

代江南紳士謝萬壽恩科表

蓋聞聖人御世八荒在壽域之中王者掄才三物重賓
興之禮是以姬王受命蒸髦士于岐陽漢帝祈年辟孝
廉于郡國莫不丹魚在藻翠鳳含綬然而成周僻在方
隅空聞宴鎬泰元增受神冊但說呼嵩未有際兩聖
之昌期靈臧並耀展九乾之文運洎作重書以八千歲
爲春秋將五百年得名世如今日者也欽惟

皇帝陛下如日之升慶六旬於今歲

皇太后陛下如天之福開九秩于明年凡橫目冒形者
靡不羣歌佛誕卽巖居穴處者久已如登春臺矣乃

皇上聖德謙冲孝思維則一切有司奏行恩賚爲而

不有統于所尊禮也 詔庚寅之年開甲乙之榜黃封

頌下白首惟呼惟大孝以天下養親故慶典悉遵懿

旨惟聖人以人才治國故賢書首列 恩綸澗採菁莪

不羨蟠桃之色廷收杞梓益增壽木之華以多士之絃

歌代雲仙之羽奏以文昌之奎壁當貢物之承筐玉載

萬隻以非奢珠探九淵而愈糴枝枝丹桂飄香于王母

筵前戢戢龍魚跋浪于老人星下于是黃髮耆艾之士

莫不乘景運以同升方聞綴學之儒亦各有喜色而相

告臣等生隸江東忝居文苑或影纓擔爵世受 國恩

或解綬懸車引恬鄉里捧 璽書而感泣率門子以觀

光祝軒鼎之長生齊呼萬歲喜周官之大比不待三年

所有感怍之忱謹以表謝

鸞脰湖莊詩集序

夫金石之載不殊而諷咏之情匪一故思綺者春榮響
哀者秋厲音和者鳳賦絲寡者蘭悲引氣不齊意製相
詭各家之旨斷可識矣若夫游雲無質五色兼麗崑竹
久淹八風齊協徹術羣雅喉衿六藝搜仇索耦能者誰
歟丙辰歲

天子張天網以羅八紘握金鏡而闢四門予正繫係履
而來都下過王梅泮讀其詩惘惘然亂費乎錦續影影
然履綦于櫬槍研閱以窮照含章而可契楚豔漢侈殆
具體焉爾乃解巾吳會弭筆燕臺仲宣履至公卿為之
擁簪平子歌成洛下于焉卷舌且復負雞次以西嬉歌

聞鼃而晉適澄神道岸回志元祺生死多羊舌之仁慷
慨重侯羸之義其所述也如彼其所蘊也若此使之吟
鸞陪軒鳴蟬映鬢隨鼃買入室共應劉待詔張皇發揮
元元本本胡寧憇焉乃昔者同登明光之殿對食大官
之餐蒙以弱冠之間物色買生遂因連牆之謁通好列
子亡何黍谷方吹豐城氣掩東陽未晞北溟翼戢臥龍
具以忍寒握蛇珠而匿耀感奇律之不采抱梯黃而莫
卜與鄧康辟者比牒皆為宰相同高允徵者連名半屬
公侯其能無撫髀而嘆八騶呪柱而看三匝乎雖然珠
之藏也。不久不能。賜重淵之深。劔之割也。易用不能。致
蛟龍之惜。故白露之思。蒹葭之隱也。俎豆之馨。叢蘭之

敗也。今梅泝內學七緯外過八流其藏身也。鮒入而鮓
居其治行也。春規而夏矩入則流黃體素陳焉。出則煙
阜雲隰覽焉。宜其因情生文。上符三百之旨。緣隙奮筆
流爲千載之觀。彼夫車赫馬糴。傳呼甚寵。而寸枝不入
鄧林。尺渠不登山經者。何哉。豐嗇之遇殊。而大小之報
異爾。或者傷國朝諸老。燦忽代謝。竹垞南沔。阮亭北
逝。不知壁不並糴。駿不雙馳。根斷靈苑。秀擢江波。所謂
長麗去而宛虹來。耀靈淪而望舒睇。夫固有繼之者也。
而况夫大雅之運。豈偶然哉。

萬栢坡樂于集序

夫神之所至百骸聽焉志之所壹萬物避焉故魄俞審
音不聞暴雷之駭獲人運斲不見疾駒之馳士有握瑾
瑜懷芬芷絕地理揆天庭抗才金碧之上弭節江湖之
下恢恢元音務諧雅奏之和落落凌颺詎假繁音之會
則吾友萬栢坡其人也生而譚粹第作其冠長多咫聞
溯苦于學參六家之要旨窮五際之絕業遊目竹素殫
心忽微故能含孕嚴徐凌鏃崔蔡懸黎不見池隍耀繼
起之寶皇娥歲淹夷光矜代出之色惟古于茲直其然
矣然而憶日月之燦忽追緇紵之伊始時則迅秋標爽
嚴鼓應節石渠廣鴻生之召郡國有文學之徵僕與栢

坡解巾之郡削牘受辭魚集龍門摩游鱗而認隊馬束西極銜長鬣以得朋所爲傾蓋于程生締蘭于謝覽也

已而扶搖同志修翮互殊或霞舉于嘉禾或翰飛于粵

嶺赤堇未劍齊踊躍于洪爐白鹿可尋仍涉迷于蕉葉

東隅已失南金不雙宜乎鮑申跪石而吟伍員兩袂而

走矣而柘坡方且得不挺心失不表色結情禹井延首

舜梧考元唐隆谷之瑰奇辨封鉅大填之原委忘陽敷

之標季扶元音于正宗空谷霜零蘭性寧其隕貴崇邱

風靜椒林于焉露芳抒懷而貊其音說學而振其采詩

若干卷幾幾乎革孫許之風變太元之氣焉且夫瓠梁

託絃以流韻痛知音之難也師曠審鐘爲不調嘆逃聲

之易也。拓坡鄙視散之五降。美棣通于八風。既煉滓以
澄音。亦鶴金而飾貌。考之鳧氏。槩曰。樂于震。蒲牢之砮。
磬。招銅山之遠。聞他日。麟鼓南郊。軒宮北敞。發揮韶濩。
洪宣陰陽。則夫聲震三川。力逾九象者。其在斯人歟。其
在斯人歟。

送姚次公刺史之景州序

景州額定遠之軍連青齊之甲走幽冀之道當德棣之衝

天子以唐代武功必資姚合漢廷黃霸亦號次公遂降
璽書馳龍節命公移篆建康建牙渤海五馬從大夫之
後一鶴與先生並行所以簡賢俊重神都也夫元黃自
炫者王之奇匠石必顧者木之用故庚桑入楚風移磬
礎之鄉張楷居雍俗號公超之市公以何比干之符策
揚於陵之家世坐有揖客門無雜賓朔來朔來本門子
之恩蔭郎出郎出爲捕盜之督郵三任繭絲一從征伐
襄城劉令謂之不煩宏農桓公稱爲長者王修知變魏

武以之自隨。虞謝入城朝歌，因而解散其吏術也。若彼其武功也。若此加之居，句如矩在約，思純比性鴻毛。方義熊掌有公綽之廉，史魚之直焉。乾隆十六年。

天子南巡，公千夫爲吏，七萃從戎。凡申明之木壤，奠之事攝，稚抱機之視，侯遮扞衛之儀。一切供張，罔不胥節。遂乃歌傳于爲名，記王邱超授非因歲。遷除拜悉從中出，蓋六緊十雄之報。最方牘薦之風，馳而三公八座之交。推已得州如斗，大將以東阿付黔夫之守。高唐覬樗子之用，豈徒黃金橫帶。遽喜遷官白鹿夾輪，將期入相而已哉。然而使君治汝父老，哭于碑前。賢者遷官百姓爭于境上，房君去而味變，井泉之甘。虞公歸而雲藏，海

石之彩未免持靴雪涕。輦粟連年認馬司州。占珠合浦。民之情公之德也。其能已乎。僕同鄉識面共事。知心元武湖邊。各持手版。小倉峯下。先築瓜廬行矣。孔璋飄然。賀監白雲飛而故人遠。朱琴彈而聽者稀。嗟乎空山猿鶴。本無戀于烟雲。芳草芝蘭。終有情于臭味。送花間之車馬。絕海上之蜻蜒。謝濤此中祇宜飲酒。茅容以外誰與交言。所期抗手。此時班荆。他日訊雖雨絕。夢或魂交。君望孤雲。知安石之不出。我瞻紫氣。卜老子之仍來。

許南臺悼亡詩序

同。爲。聽。鼓。應。官。之。客。夜。起。恆。多。旁。有。禁。寒。惜。煖。之。人。我。
年。忘。老。一。朝。白。髮。忽。斷。朱。絃。女。牀。之。鸞。鳥。不。鳴。牧。犢。之。
朝。飛。有。曲。此。我。同。寅。南。臺。悼。亡。之。所。由。作。也。夫。人。朱。氏。
內。嫻。四。教。外。副。六。珈。乘。几。無。違。施。顰。有。訓。秦。箒。齊。絡。雅。
善。平。章。樂。旨。潘。詞。應。如。影。響。佐。夫。爲。善。寫。安。公。美。政。之。
碑。教。子。射。科。上。蘭。英。中。興。之。頌。叔。姬。賢。著。三。諸。侯。爭。來。
媵。之。辭。侯。寵。多。七。孺。子。爛。其。盈。矣。爾。乃。服。帝。休。之。草。無。
避。夕。之。奠。坐。銀。鹿。之。兒。有。緩。帶。之。樂。南。臺。雖。羣。雌。之。粥。
粥。偏。故。劍。之。依依。神。君。一。言。敬。爲。畫。法。白。茅。三。復。奉。若。
金。箴。可。謂。雙。棲。不。死。之。牀。永。臥。同。功。之。繭。者。矣。何。圖。疾。

風吹窻竟占主婦之災青鳥傳書遽速上元之駕桃曼
插首齊俗先驚白柰簪花吳孃其弔纏綿性在縲三盆
手而蠶尚牽絲殫殫病成與九萬錢而醫難爲力兼之
客兒佛婢婚嫁未終約指彊環零星振觸金箱宵掩成
君之衣補何時象笏朝回方領之繡痕宛在此在一往
情深者尚且闌而結驪何況三生片合者能無腸若涸
湯也乎于是天錫小名自稱獨活子瑜庶孽不許長生
枕拗木以無聊服牽機而難耐離當仄日益易高歌賦
哀蟬落葉之章寫鳳靡鸞吡之恨心非孤雁照影驚秋
聲似霜鐘因風奏曉是知元穹倚杵不能蕩此情波碧
海成桑未必乾斯墨淚者矣僕並纏白門通家江左德

操命麗妻作黍不辨主賓文通爲張稷徵歌但遮簾幔
裸佩貽來想見斯人賢淑入宮不見難禁老子婆婆夜
飛蟬在贈杜甫以無因世子書成向外黃而謹寄解愁
有志分痛無方誦金鹿之哀詞贈玉臺之小序公乎自
愛休傷兒女子之情僕也請前聊表君夫人之德

送尹官保熱河陪宴西戎序

乾隆二十年

天子平伊犁幸熱河受昆彌之降賜呼韓之宴詔曰
江南總督尹^繼勳厚重有體來與斯會足壯觀瞻公聞命
黃閣東裝青溪桓溫北伐百官祖道于南州潘岳西征
同僚賦詩于金谷禮也枚伏考唐太宗身幸靈州納降
同紇漢武帝親臨瀚海獨當單于其時襄鄂頑佐衛霍
英賢莫不司空奉羹條狼警蹕酌醴而共醉歌槃木
以宣威良以倚漢如天有班超而後功定望君若歲見
葉公而乃民和非徒冠冕河山亦且彈壓邊釁我宮保
夫子黃齒誕雲紫宮執斗神化丹青艸木知其名姓亭

壽元氣外夷問其起居帝愛文獻恨不處之禁中朕召
德林昨日祝其夜短 皇上見戎容暨暨思黃髮僭僭
召洛邑之君陳徵南郊之義叔乘三皇斜谷之車張百
神帝臺之樂皇人受穀衢室開尊時則神雀宵鳴歸邪
晝見窮天俘玉罄地呼蒿舌人鳧趨爰罔鶴列凡雋鱣
之翠壽木之華滑國之金床條支之烏鞞木熙拔河之
戲婆駝力華之曲莫不麟羅布列雲動雷屯伊里者西
戎一大部落也兩戎所未收八埏所未聞茲乃駢罷奔
觸賜睽酣嬉比狼臙之嗅塵同魍僇之飛耳未謁天容
先望星辰之色已瞻日角兼看岳瀆之神見風牧而軒
鼎非遙識阜夔而堯眉可想公繡衣垂跗琛版宜躬潤

之以傳說之甘霖溫之以趙衰之冬日示之以周公之
狼跋耀之以尚父之鷹揚驚狀貌于王商真爲漢相聽
音聲于景略無愧唐臣洵足以顯作長城隱若敵國且
夫防秋者無全策緩遠者貴定謀是以突厥人衆魏徵
諫留河南西域使來班勇請加都護或治城烏壘或置
郡朔方食少則充國屯田兵安則孔明撤衛凡事後之
金湯皆先機之籌算公三商待漏常候色于宸慈五日
詣臺每參謀于黼座正可以定形方之訓進徙戎之策
安全臬散慰撫華離使二庭永空萬年無事豈止護調
御手人慶龍光酒陽銀鍾史裏風度而已哉茲者野廬
聚椽元戎啓行萬里秋霜凝照于九花虬上三邊勅勒

收。聲。子。一。品。集。中。西。寇。折。心。中。國。大。有。人。在。東。山。翹。首。
衰。衣。早。望。公。歸。

小倉山房外集卷二

錢唐袁枚子才

贈樊生序

當短衣。焚製之日。而獨冠夏后之母。追嘗羔。戮幾胎之。羹而忽。捧魯人之椀。蔽吾知。雖負牀之孫。亦欽欽然。口。吐而舌。纏也。况夫心古雲。鬱道高。龜玉千飾。廉隅秩秩。見于面目。馳驅文圃。駸駸欲度。驩駟如吾。聖謨樊先生。者能無述焉。先生秉植鱗之雅容。蘊吐鳳之靈質。鉤河。摘洛浴素陶元。凡夫五木之攻。三牙之辨。十祺之筮。九。候之醫。旁行敷落之教。重差夕榮之術。靡不巧。拇周流。精心冥造。信文學中。茂陵之唐生。九江之祝子也。爾乃。

年周七旬身老三舍損蘭本于匹馬闕珠光于重淵登
高作賦不爲大夫恠奇多聞尚淹區里鄭緩爲儒呻吟
裘氏之地王哀負戴磬折安邱之衢拳製錦之織手暗
敏絃之逸曲乾乾日稷甚矣吾衰彼夫士開不知七星
王平但識十字者或且跨天下而無漸策高足而相凌
焉墨以爲明觴偶不作升沉之數疇測之哉今夫借隱
爲顯者齡天之象也養苑于枯者宿媼之神也園馬不
乘方臻彌年之壽幽蘭當路難保經時之芳假使星有
少微世無處士卦名白賁占少幽人齊設九賓少稷受
珥公之召堯咨四岳許由呼負黍之車呂尚早聘于英
年宦尼大烹于陳蔡將何以彰聖哲之瑰奇偉二儀之

參。闕。乎。先。生。明。其。然。也。自。道。不。辱。之。謂。貴。無。求。之。謂。窮。
履。絢。冠。鉢。駕。說。人。天。屈。後。茶。前。無。悶。巾。褐。鴻。文。無。範。相。
羊。翰。墨。之。場。老。漁。少。波。藉。晦。林。霞。之。迹。蠟。屐。訛。而。黑。矣。
板。牀。銳。而。迫。然。寧。將。論。語。代。薪。不。向。胡。奴。索。米。空。波。白。
鷲。絕。頂。孤。松。未。足。方。其。高。潔。也。然。而。經。師。名。著。貌。執。人。
欽。采。薇。多。先。輩。之。呼。負。笈。半。從。遊。之。彥。三。千。太。學。爭。奉。
嵇。康。五。百。門。人。都。尊。郭。瑀。雞。籠。山。色。次。宗。之。室。常。靑。槐。
市。春。風。伯。起。之。堂。斯。煖。無。勞。影。質。各。授。尺。聞。東。脩。牽。羊。
童。蒙。求。我。臂。之。霜。鐘。水。沒。終。閏。待。扣。之。聲。仙。桂。撥。棲。自。
有。流。香。之。所。于。以。養。夷。白。于。以。變。丹。青。于。以。噴。道。真。于。
以。廣。津。逮。周。冢。宰。以。九。兩。繫。邦。國。其。四。口。儒。以。道。得。民。

者先生之謂也。豈非披七緡之布華，過九旒傳一卷之書，榮勝千駟也哉！兼之百篇蒼雅，張霸獨善，九變律貫京房，尤精長君手著神淵，仲翔口吞爻象，滿堂蚪龍，威靈寶之書半壁，金箱沮誦，佞虛之字不必飲，終北之神，漢著躋虛之龍，鞅而早已爭年，黃帝之兒高叱，季心爲弟矣。月逢長至，瑞慶懸弧，圖應三陽，禮先一飯，艾歷覲胥者，徼術而來，黎穎樹領者，黎收而拜。先生在貧如客，著手成春，亥字親書，辛盤小侑，樂可知也。僕當宰單之年，早知甯越，每過貨春之市，定訪公沙，呼范雲，讀秦望之碑，求孔晁，釋安釐之簡，道尊先進，心契後凋，爲張儀祝千秋學，趙孟作一獻沃君饌，爵將取陵陽太極。

泉寫我徽言亦須黃玉綠純之冊

尤貢甫出塞詩序

夫審八音者以金聲冠石序百家者以箝拍續騷隋文
品清商爲華夏正聲漢武置鑾歌爲軍國雅樂塞上之
吟由來尚矣然而不過陰山雜歌勅勅未通西域誰解
婆駝古之人未嘗奏夔吼于房中寫邊聲于里耳是以
賢者好遊詩多東髮從軍之句男兒作健吟到中華以
外之天尤生江左名士冀州少年心事擎雲文章射策
獻五角六張之賦貧類朝霞答三桓七穆之文博同平
一賜上方之文綺遂待召于金門康邸河間慕才竟陵
好學樂賢堂上孝綽圖形忘憂館中鄒陽首坐屏風未
賦罰升酒以何辭公讌詩成泛浮瓜而自喜巾箱九案

惟陸澄之能搜錦被十重祇劉峻之獨數甲戌歲

天子親謁

三陵望祭長白大蒐于塞外禮也王率八能之士扈七
萃之軍贊明堂大禘之儀領異域朝天之隊生乃寬饒
短服稱媼從行子春單衣嬋媯並往奉辰牡坐寅車望
木葉山經黃龍府斯時也平沙萬幕明月起而當天甲
帳千燈旅鴈驚而墮地日各箕却星辰當畫而忽明馬
被霜封絳鬣侵宵而不見生以鞍爲几磨盾作書前袍
鳴綠之波滌研珠山之雪彈來朱鷺便唱新聲擊罷黃
塵已成樂府鵬看作字飛來大翻之山馬助長吟噴出
流沙之玉揮毫素而羊皮紙盡飛咳唾而真珠帳空豈

徒識鼯鼠于終軍記隨兕于印子也哉雖然豪宕者境也俶詭者才也才之不存境將焉附倘絃爰微弱強歌大角三章壺哨鼓僂白調橫吹一曲構雲屋而材撓舉周鼎而牘絕與題不稱蒙竊惑焉生竟筆張牛弩手挾龍文行間作金鐵之鳴言外肅風雲之氣聽其音可以躍蕤賓于水上充其量可以降白雪于空天真不愧海上之崔駟軍中之孫楚矣今者明駝千里送子還鄉秋駕三年送君初服搦金鞭而示客尚帶霜痕擊銅斗以高歌恍疑羽奏北平射虎之將半是故人野廬行炙之觴未乾殘瀝遂乃回頭沙漠擬笛江村集出塞之篇付開雕之手歌諸清夜長城之金柝如聞譜入琵琶絕域

之關山在望

紅豆村人詩序

夫思王不序典論之書何點不和小山之作家庭標舉
達者噉焉然而同峯聽雨分樹看花雖弁雅之才難實
吾斯之能信吐珠于澤誰能不含似爾斯馨願詳所湛
豈有自矜且擯文休而勿夸孤對池塘置阿連而不
夢者乎則有張家鸞鸞穆氏醞酬號紅豆之村人爲吾
家之臨汝采繩圍宅早有奇徵騎鹿入胎羣驚英物視
愛同采蜂之事遊善如原菽之甘唾地而文成三篇擊
鉢則燭醕一寸風神元定愛齊梁之音藻思辛綿追漢
魏之始詩之作也僕有感焉當夫大阮西征永辭家弄
遺奴落地便伴媿徒寄藤保以錦袍音塵如夢泣邛南

之竹杖相見何年弟匪徒秋士悲秋兼且越人安越矣
亡何僕以徵士之車折灘江之桂鳳凰蠟下裁抱僧虔
熨斗襦中更奇康伯叔也厝需于側兄乃見濶而行從
此荆樹重分河梁再別雙旌萬里一面十年覽揆晚而
郎罷先摧免乳遲而摩敦亦老孤兒有曲野銚無烟龍
具為衣馬人作伴瘴雲似墨誰送賈季之妻孥葛屐披
霜空抱王孫之飢渴雖狐有首邱之想水尚知歸而鼓
無記里之聲地難縮短飛奴不到沉沉連錦之書小子
勤哈脈脈阿干之唱僕乃百緜遠寄雙槩星馳如逆椒
鳴班荆楚地自同聲伯為食鄭郊起渴葬之榻柎喪迎
穆伯走破關之玉節私召陽生弟于是闐闐呼車昌黎

稅駕身猶楚服口尚侯音見故里之枌榆恍疑前世拜
祖宗之邱墓哀感旁人觀者疑返漢之文姬識者嘆承
祧之趙武當是時也春秋書季子來歸晉史記陶潛隱
去靈寶之成人尚早監河之分潤無多款段籠東少游
哀汝又戰再北鄧禹笑人一枝筆乾舉家鶴望弟于是
重驅策雪再撲韜沂王粲遠遊騎馬登樓之恨元瑜書
記殘羹冷炙之場嘗世味之願頽聽河流之鬱勃記往
事于龍華小劫求知音於碧海青琴身賤恩多天寒袖
短堂簑不御書燭難明歌纂纂以星沉唱嗚嗚而雨泣
人之情也其能已乎加以天性風華餘波綺麗何郎粉
不離手荀令香能染衣長言則河女三章開卷則王昌

十五丹心寸意。驅烟墨以如飛。流管青絲。繞虹梁而不
落。量沙易竭。下筆難休。金鹿詞哀。玉臺體豔。人恐繁華
流蕩。君子之所勿欽。我知比興。溫柔宣尼之所必采。嗟
乎人不足而財有餘。才非愚少。春采華而秋落。實學與
年增。許武未成。弟之名景讓。宜受母之撻。所望焯掌白
厲。指心得師。加弓之九和。俟禾之三變。形魚昌僕。窮典
誥之恢奇。夷鼓青陽。表榮華之族姓。文章不妨放逸。人
品故宜謹嚴。使薦者謂敏中酷類其兄。後世笑僧彌難
爲。其弟殿中交代有君已。是替人海內文章。無我當歸
阿士。

周石帆西使集序

四。序。秋。佳。白。帝。肅。江。山。之。色。八。音。金。貴。霜。鐘。冠。匏。竹。之。
聲。考。祀。典。以。嶽。瀆。為。尊。稽。國。風。則。皇。華。先。采。是。以。魏。帝。
清。商。置。合。蕭。家。白。藏。名。通。仲。長。瀟。岸。之。篇。越。石。扶。風。之。
作。莫。不。抗。絕。節。于。高。唱。穆。清。風。于。妙。音。使。者。陳。詩。大。夫。
臚。岱。由。來。久。矣。然。而。龍。山。高。會。請。元。子。之。聲。雌。鄰。下。清。
流。恨。仲。宣。之。體。弱。矧。復。潯。陽。九。派。華。嶽。三。峰。氣。讓。風。雲。
何。以。低。昂。摧。蔡。手。非。天。馬。不。能。控。駕。齊。梁。苟。無。君。子。之。
九。能。難。往。金。方。之。一。道。石。帆。先。生。文。貞。學。士。儒。林。丈。人。
五。入。東。觀。三。為。祭。酒。曳。履。步。星。辰。之。上。乘。舟。過。日。月。之。
旁。乾。隆。十。七。年。春。

天子命公祭秦蜀兩省名山大川禮也公坐筓將衣袴
褶借飛龍廐馬權攝行人出丹鳳樓門便稱天使船非
樟木豈畏蛟龍身本雲仙何愁風雨烏樅盤羊之所黃
金子午之天董仲綬不愧儒臬謝康樂能爲山賊牙璋
手握鐵馬宵鳴訪尺五之雲門飄丈二之圭組潼關四
扇射曉日以初開鳥棧千盤度青天而直上蒼蒼在鬢
鬪古雪于峨眉脈脈有情聽淋鈴于劍閣于是移綿州
之席則爨武留賓吹鳳嶺之笙則王喬倒舄亭公負弩
驛吏占星爭迎諭蜀之相如其拜入關之李叟公乃酌
元流于春澗瘞封豕于秋林築鬻焚而烟墨香殿縣祭
而山川助一臬破鏡八頰占風九河出沒于毫端五嶺

盤。旋。于。腕。下。境。無。虛。接。必。繁。入。于。文。樞。景。不。空。描。盡。雕。
搜。于。意。匠。摩。挲。銅。狄。感。歲。月。之。滄。桑。緬。睇。巫。山。寫。荒。唐。
之。雲。雨。鐫。姓。名。于。崖。上。恍。如。委。宛。千。言。攜。西。海。于。袖。中。
不。僅。韓。陵。片。石。復。命。天。子。慶。大。禮。之。成。付。詩。史。官。贊。
小。雅。之。作。編。西。使。集。八。卷。孔。子。稱。誦。詩。三。百。使。于。四。方。
先。生。有。焉。僕。也。三。月。過。秦。曾。爲。賈。誼。一。麾。入。蜀。未。作。唐。
蒙。恨。狹。路。之。不。逢。羨。我。鞭。之。先。著。同。聽。鈞。天。之。樂。而。師。
曠。獨。按。其。笙。簫。共。遊。福。地。之。春。而。張。華。能。誌。其。風。物。豈。
無。玉。笛。讓。清。角。之。聲。悲。亦。有。珠。林。遜。夜。光。之。照。遠。夔。關。
咏。古。愈。欽。杜。甫。之。豪。漸。上。還。軍。終。愧。桓。溫。之。劣。少。行。干。
里。譬。如。自。偃。旌。旗。則。讀。百。篇。悔。不。早。焚。筆。硯。

繡餘吟序

繡餘吟者女弟雲扶所作也。占歸妹之爻，生逢第四學。玉臺之體，才竟無雙。早喪靈椿，裁髮媿而學語來依棠。隸遂婉俾，以南征弭節。桂林之嶺，揚舫洞庭之渚。萬重山翠，寫入雙蛾。九曲明珠，穿成一笑。珮璵而浣，答子貢之三挑。敷衽而陳笑，丁娘之十索。機絕絲絕，針可稱神。俳歌緩歌，詩將入聖。繡餘之吟，有白來矣。爾乃珠簾落葉，鏡檻啼鶯。銀蒜風涼，冰荷燈小。或懷兒楚，成或送姊。夔關思若流波，舍烟墨其何託。心如結轡，假宮商以代宣。探蠶簡而粉落，雲牋寫蠶眠。而痕畱釵股，結響則女牀。鸞咽揚華，而織室星飛。使戴尺五皂紗，定呼飛將。倘

設十重步障。足解長圍。可謂掃眉之才。人不櫛之進士也。已更喜兩車無恙。反馬初來。姬姑耦新。藁砧憐重三商却扇磨寶鏡。以試秦嘉五日采藍咏盤中。而寄伯玉紀事。則姑恩有曲。發言則女史成箴。東廂夫壻。旣媿媿以成行。魯國叔姬每雙雙而俱至。豈非緣隨性善福與慧兼者。與所望集洗麗情。經通音義。澤髮懷順。傅粉道和珠多。而首飾有光。學積而心聲作。采此時香閣助博議。成書他日蘭臺爲阿兄。續史將見吾家詩事。六宮傳犬捨之名。海內女宗十哲。配宣文之享。

送梅循齋總憲歸宛陵序

昔龍負禹圖鳳鳴舜樂終亦潛九淵翔八表冥神務以
遊攬德輝而去何哉身不隱者道不全用不藏者仁不
顯也是以祁奚請老子房學仙疏氏供帳于東都廣德
懸車於沛郡莫不謝情軒冕畢志烟蘿俱爵深衣陶元
浴素若乃三休亭古萬石風高門無雜賓家有令子決
獄二百朝廷就之問春秋封事一函天下以爲真御史
則我總憲梅循齋先生是也先生味道之華腴執古之
醇聽張蒼治歷算操夕桀之工平子知天手握銅輪之
轉傳學家術揆才天庭奪東方學士之袍騎西第將軍
之馬王沉見召馳鋒車者五人渠牟對君數漏點者六

刻試之三輔則桴鼓靜黃圖耀其九能則郊天供金版
戴胄平刑不愧爽鳩之職勝之按吏更馳東海之輅

天子以爲有伯夷史魚之風使領五墨三仍之首聖無
二道毀靜輪而米賊教衰臣只一心侍彤廷而神羊氣
勇卿于白起尚惜官乎朕於孔戡知其賢矣公亦沾沾
自喜翬翬竭思心爲肺石之函手如屈軼之艸周昌負
氣直歷蕭曹老瑀性剛慣凌房杜方將軒轅帝載麴蘖
王風而歐陽名重後生之描畫已多元忠肉甘獵者之
網羅無得 天子敬禮大臣護持耆舊允遂初志特予
原官神武門前許非仙人之冠服香山社日教添元老
之鬚眉然猶深惜蒲輪眷留鳩杖表爲人望賜毛玠以

屏風遺問星文伺承天之顏色殷鐵卧疾密勅往來賀
監乞湖宸章餞送行有本末恩極初終鳳闕排筵都望
路公再起江湖野服誰知裴令三朝先生愛鍾阜之山
樂秦淮之水跨沈慶之小駟乘王尼之露車雲母自怡
金貂高皮一颺一冊謝莊以風月名兒半郭半郊庾詵
以山池作宅黃花香淡知諫草之都焚綠壘客稀惟怪
松之滿坐今復辭白下返宣州式里閭展兆域木葉未
脫秋水已波散盡賜金故里之粉榆拱矣摩挲老物兒
時之釣弋依然傾耳幔亭人間曲好回頭營室上界官
多雖韋孟乍歸尚夢面爭王室而次宗旣隱定知車避
城門枚得接繡衣初冠緇布識郎君于東閣通書七年

忝比隣於南邦班荆朝夕送格天之勲舊作平地之神
仙畫錦堂開懣無健筆宵征人去聊助清風

李紅亭詩序

夫才者情之發才盛則情深風者韻之傳風高則韻遠
故悱惻芬芳屈子爲之祖葩華萍布建安暢其流苟非
弁雅之才難語希聲之妙則有紅亭主人者雁門著姓
爲宇文大呼藥之官柱下精苦居建武小長安之地兒
時觀卜便已別著長歲橫經更能奪席醉六十日賦五
千言久已集號烟花文成玉海矣爾乃賣田十雙入竹
萬个千夫爲吏一命來南慕白學先生作黃車使者以
衛風之狄濫學吳語之妖浮宰我過朝歌聆音欲駐子
思搖銀珮奇服自夸于焉忍俊不禁棄位而姣徐吾有
妹于南超乘而來阿君無夫陳遵奪門而入投憤以還

太守銜杯而勸三騶幾幾乎迷漁父于花叢埋蕭綱于
酒庫焉然而人呼公子天性都豪地住中州宮商最正
唱洛陽之小海自記家鄉偷大內之霓裳繩其祖武每
至青溪晚雨琴河曉霜怯夜幃高司晨鳥語未嘗不滂
欄而飛筆孳錦以橫箋也更有奇女目成癡人相惜記
泉臺之夢帷幕來奔築黨氏之蠹盟公割臂神君旣憐
去病小吏肯讓蘭芝裏甸揚徽竟招搖而過市法冠先
引常稱姪以同車綺陌花飛迎來吉耦風窗月墮吟出
雙聲紙醉金迷三百六日之光陰如夢笙清簧煖二十
五郎之歌管相隨無王事之獨賢且人生之行樂宜乎
一州斗火作司馬以無期三十鬢然抱羅敷而自足也

尤可異者與余無撫塵之交而蒙君有良知之賞陸機
師事只有張華唐衢服膺除非自傳延之設問希鮑昭
子片詞何遜著書強休文之再讀微言識五雅奏登三
感此心知奉貽藥石今夫遠而有光者美人之飾進而
彌上者學士之才君子不重則不威修詞不誠則不立
微之悔過多嫌小碎篇章孝綽陳書深戒繁華流蕩所
以七子歌詩獨譏高厚五君作詠不取王戎者何哉良
以行者文之本也廉者德之興也胸臆者以無檢爲宏
曠佞兌者以有岐爲慘牙春秋譏毛伯求金左氏貶蔡
侯失位解父狄淫以遭赧安丘博掄而奪侯凡彼虞箴
皆堪殷鑒而况狂泉難飲當此日之時艱古瑟空操問

知。音。之。誰。在。乎。嗟。乎。性。自。少。成。須。至。通。而。自。然。有。節。人。
誰。無。過。著。于。姪。而。能。悟。何。妨。僕。願。紅。亭。抱。德。揚。和。去。風。
卽。雅。梗。其。有。理。蔽。飾。厥。躬。守。士。之。特。招。執。古。之。醇。聽。以。
人。意。相。存。偶。使。物。情。無。疵。瑕。將。見。三。盈。三。虛。無。礙。孔。門。
之。客。再。仕。再。化。寧。知。伯。玉。之。非。窺。日。牖。中。不。愧。北。人。學。
問。繡。絲。海。內。豈。徒。庶。子。春。華。

岳水軒詩序

夫高軒多簿領之勞處士少江山之助天下之文章其
惟幕府乎是以鄒枚游客珥筆梁園應劉才人從軍鄴
下靡不序行役紀星雲喬藻含章揚華振采然兩戒者
天之奧府也百年者壽之大齊也身拘魁父之邱何以
虛牟六合目窘蹄涔之水亦難揮綽三雍要惟口數青
曾尻窮元圃者方能三駕以控齊梁七縱而擒風月哉
水軒先生金佐後裔鐵叅家風遠跡崇情深中篤行幼
不好弄三步知方長更橫經九變復貫凡師春筮書奇
骸陣法九據元理六崑陰陽金布令甲之文夕桀重差
之算鑄凝化聲之術含光宵練之鋒俱能游戲人間環

流手上於是西雍戾止東閣欽遲招隱者羔雁成羣問
政者干旌四至關吏爭迎上客諸侯齊拜下風先生濡
迹匡時測交擇主爲常何作奏帝問賓王爲寄奴草函
人推齡石陰德及物自覺耳鳴清談干雲聽猶齒擊適
楚國則書載一乘見哀公而文成七篇此固經世韜鈴
別爲一集者也若夫分箋擊鉢對酒當歌悠揚四始之
風祖述三唐之法則先生之詩有非凡所及者何也夫
孔子西行不入秦地樂毅東伐未下齊城卞彬以青溪
爲鴻溝陶侃棄郗城爲遠戍陳京賦北都不就宏景志
沙苑未詳四海大矣九州遙矣方聞之士遠到爲難先
生乃孟入西州檀來洛下五攀漢柳兩馱越裝別魯叟

而。遇。齊。兒。厭。燕。南。而。來。趙。北。望。海。則。浮。天。無。岸。窮。河。則。括。地。成。國。過。劔。閣。嘆。劉。禪。爲。庸。才。登。廣。武。笑。沛。公。爲。豎。子。甚。至。呼。延。外。地。甌。脫。窮。邊。中。周。虎。落。之。烽。繞。羊。頭。之。險。凡。裴。秀。所。編。圖。賈。耽。所。繪。布。靡。不。馳。驅。烟。墨。號。召。宮。商。宜。其。壯。采。精。思。加。人。一。等。也。然。而。一。身。道。長。八。口。星。孤。彗。策。筭。將。牛。日。常。埋。雨。雪。鬢。飄。蓬。葆。馬。頭。何。處。家。鄉。海。上。漉。禹。蠻。府。參。軍。之。恨。表。中。春。菟。江。東。作。奏。之。愁。賓。館。久。而。醴。酒。清。油。幕。舊。而。蓮。花。落。殘。羹。冷。炙。曉。角。清。笳。孤。憤。獨。居。深。懷。誰。告。而。况。髮。容。難。待。烏。兔。先。馳。一。林。之。松。菊。將。荒。半。世。之。鍾。期。已。盡。貧。憐。徵。在。繡。襖。存。無。晚。抱。舒。祺。楹。書。讀。否。雙。輪。欲。住。則。藁。飮。誰。供。百。歲。幾。何。而。

勞。薪。未。息。此。又。金。壺。傾。汁。未。足。寫。此。蕭。騷。紫。水。漚。縑。難。
以。形。其。豪。宕。者。矣。更。可。異。者。當。永。恆。齋。宮。保。之。領。王。師。
而。西。也。以。先。生。智。同。崔。浩。廉。比。道。生。奏。與。一。銜。俾。隨。九
伐

天。子。憐。其。老。故。未。許。也。亡。何。遮。住。玉。關。廣。利。竟。非。生。入。
牽。連。草。索。馬。援。不。是。榮。歸。幾。乎。玉。石。俱。焚。池。魚。共。禍。而。
卒。之。塞。翁。馬。失。合。浦。珠。還。慟。哭。劉。虞。尚。有。將。軍。殘。客。飄。
零。樓。護。還。作。城。南。禿。翁。此。非。天。之。所。以。報。施。善。人。乃。卽。
天。之。所。以。護。持。詩。史。也。今。年。先。生。六。十。有。八。矣。落。日。已。
過。回。風。可。悲。有。情。於。身。後。之。名。加。意。于。曩。時。之。作。持。交。
小。子。嚴。切。編。摩。欲。表。孤。花。先。芟。枝。葉。將。彈。白。雪。細。按。微。

絃。燒。仙。丹。於。劫。後。焚。餘。鑄。神。劍。而。千。辟。萬。灌。收。回。舊。刻。
重。付。新。雕。庶。幾。字。字。華。星。行。行。寶。唾。四。十。年。之。珠。玉。照。
耀。人。間。千。萬。里。之。風。花。紛。披。紙。上。

陳古漁詩概序

夫秦刀之伎神而桑林之舞合步蹇之絃妙而瓠梁之韻流苟循聲以觀于樂足以辨風矣隱色以考于古足以弇雅矣若夫冰瀆無界妃豨亂呼稗以凋鏤而昧硯散肆竿之分赫其夸毗而忘重敏經迭之辨必致精疎殊會通闕乖方綴學之士豈其然歟陳子古漁名毅字直方江寧人也白望蜚聲青箱積學執禮器隨孔子以西行捧香爐駐神人于白下負雞次之典浮螺女之江檄奇相之神責穆王之璧將蒲作筆摘錦成篇如鼓琴然期鳴廉修營而不侈號鍾濫脇如協律然務奮末廣黃而不矜駕辨勞商于是烟墨受召金絲引和其格閭

易以戍削其聲清揚而遠聞高僧乞劉勰爲師元子望
嘉賓入幕則有轉運盧雅雨先生飛耳審音傾衿作禮
以爲出石所以旌處士谷風所以應駟牙乃子子揚旌
裘。裘。束。帛。其。時。燕。城。稱。富。媼。之。地。禹。茨。爲。邶。載。之。鄉。三
百。六。日。駢。牛。而。犗。鬻。者。如。麻。七。十。二。鑽。烟。視。而。媚。行。者
成。市。陳。子。偏。笑。同。一。吠。蚤。彼。三。招。不。唱。檀。來。小。人。有。母。
恥。居。廬。後。君。子。固。窮。慶。復。西。遊。但。作。北。都。之。賦。元。平。入。
幕。大。失。宣。武。之。歡。白。眼。睨。之。黃。鶴。舉。矣。誰。知。楚。幕。未。營。
趙。旗。已。拔。雲。堂。說。法。終。非。天。竺。之。宮。商。齋。鴿。留。賓。反。拒。
儒。童。之。菩。薩。人。相。媒。但。路。入。迷。陽。下。賦。枯。魚。趙。吟。窮。鳥。
爾。乃。淮。陰。木。閣。韓。王。用。乞。食。之。臺。臯。橋。月。明。梁。鴻。失。債。

壽之所辛。王婦至。庚癸山空。公房身老。于壻鄉太。真泥
牽子子舍。不逢狗監。姑作牛醫。從莞博士。以無聊爲里
祭酒。而自得。然而軒光。寵好難治。枵腹之疴。上池水清。
莫解高吟之渴。元父信九州之窮地。樊嚮鳴一鳥而誰
聽。則又有制府尹望山相公。採奇律于歸昌。耀中黃於
耳目。焚山求阮瑀圖影。召姜肱人。以爲東閣。一開溟池
再奮矣。不料當其求面也。紅紗籠壁。錢王誦羅隱之詩。
及其入謁也。如意帖箋。李相掩香山之卷。蓋見其骨鼻
汚膺之狀。貌昌披了鳥之冠。巾屨載清寒。宰相似難造
命。朝霞貧薄。山人祇可耕烟。遂致吐握未終。而吹噓已
畢。車茵欲汚而行。馬先施兩暴。龍門空驚。蕉鹿若陳子。

者。寧。怪。其。感。同。抱。玉。痛。甚。絕。絃。不。銜。歡。伯。之。觴。但。哭。憤。
王。之。廟。乎。嗟。乎。身。無。五。技。將。駕。羊。種。米。于。何。方。命。有。三。
科。具。梁。卯。梯。黃。而。誰。卜。通。天。臺。迴。難。與。投。箋。廣。桑。山。遙。
從。何。問。孔。且。人。驚。上。公。之。殘。客。誰。敢。測。交。而。君。抱。高。世。
之。英。聲。更。難。詭。遇。詩。窮。至。此。僕。請。狂。言。今。夫。驍。壺。伴。侶。
乃。陽。五。之。淫。詞。得。寶。胡。騰。亦。開。元。之。俳。調。何。以。一。聲。河。
滿。歌。遍。六。宮。十。首。秦。吟。名。傳。四。裔。碑。書。修。福。錫。持。正。以。
千。縑。霞。賦。丹。城。賞。桓。公。之。二。婢。潭。峻。寺。人。也。而。呈。元。稹。
之。詩。常。何。武。將。也。而。上。賓。王。之。奏。任。氏。則。因。詩。免。役。子。
仙。則。得。句。停。刀。他。若。金。粉。名。倡。綠。林。豪。客。新。羅。黑。水。行。
賈。羅。林。然。啜。問。張。鷹。之。姓。名。吐。谷。俱。子。昇。之。文。集。莫。不。

目○澄○虛○鑿○鼻○嗅○狼○荒○賞○才○子○爲○良○知○極○欽○遲○于○副○墨○將
今○擬○舌○如○夏○思○春○汝○自○生○遲○公○非○可○惱○所○望○敬○勗○光○采
愛○護○波○濤○秋○駕○學○成○冬○心○永○抱○九○天○風○雪○後○來○之○清○角
音○悲○萬○里○桐○花○將○老○之○鳳○凰○聲○脆○雉○掩○不○得○更○順○其○風
劍○氣○已○青○重○加○之○鍛○將○見○雅○可○安○身○苦○能○養○氣○奴○娃○珍
鬢○寧○索○賴○于○蠻○方○姹○女○清○吟○或○召○歌○於○上○帝○蒼○天○與○直
登○方○干○身○後○之○科○文○章○有○神○設○柳○詈○生○前○之○位○此○日○滕
王○之○序○庾○信○下○筆○欣○然○他○時○馬○融○之○語○康○成○吾○道○南○矣

王郎曲序爲溫哲山吏部作

王郎者茂苑靈狸揚州舊鶴小袖禿襟之漢制爾豈華
羽之南音流激楚于陽阿聲希下里散天花于小海人
滿浮橋則有哲山吏部太真姓溫樊川第五愛吹玉尺
小謫人間命入金星能知音樂王褒乞洞簫之謔高琳
是浮磬之精一碩城傾三生石老琅琊刻其佩印吮青
錫以佳名數闕新歌換中書而莫惜一條牙笏立簾外
以晏如畱仙則雪夜掃門顧曲則金貂換酒前希解帶
代繫縈篔轉字催腔親持春牘惟時琴堂小謝北郭蒙
莊假相風之竿測愛河之水陽爲薄怒瑤光作誓之謠
詐入飛章沙叱劫姬之說于是奚恤阿阿以謝張步負

負而悲。宋公閉門泣。而目腫。巫臣聞信竊而思。逃情之
所鍾。僕有感矣。夫用比疎者。刷以膠青飾圭璋者。加之
判白以茲妙伎。得遇清卿。釵挂臣衣。花驚郎目。豈非珠
澄濁水。鳳集何房之盛事也哉。然而十年協律。不爲蠻
俗所知。三峽流泉。翻以回撾。見賞屠門。琴在非秦。倡莫
解其音。荀艸花香。惟夏姬能留其色。縱有彊環照骨水
尺調鐘者。亦復未採遺珠。失之交臂。一自神劍識于風
胡。人才升于吏部。然後蘆中得月。菊下生雲。來則黍谷
春。回去則歌塲燭暗。衛多壯。雙鬢眉且假。先生齊有盲
人耳。順亦呼娘子。由來知己。強半前緣。是以平津忤旨
過六十。而寵榮范滂。盛名失九重。之目色。孫騰棄妓。專

龍齊宮翁須曳縑稱尊漢殿或化惟倚檻而良士目之
或哀駘弄姿而羣衆歸之或以舞轉西曹或因歌封王
爵風花外午才命升沉借此三思達觀一切嗟乎厭都
梁而燒皂莢別有間根嗜螺蠱而簡太牢得毋口過目
亡虛鑿認符拔作祥麟耳尖兜元誤歸昌爲謚隘豈非
是者常是是有時而不行非者常非非有時而必用也
乎然而國君好艾難尋息土之人賢者過情甘受妖夫
之曳幸臣半擇上應星辰胡如戲倡名傳文學甚至何
晏愛婦人之服妹喜戴男子之冠任谷丈夫也而以脂
夜有身景公諸侯也而許羽人抱背張彫武因師愛貌
得列儒林辛德源與友通衾卒成名宦誰爲雄伯同上

雌亭此又戲引卮言堪爲乾笑者矣今者右軍爲樂非
兒輩所知宮體編成須徐陵作序主人六首和客百章
刻劃烏絲淋漓斑管裝成貝冊儼同梵夾之書各唱回
波寫入深情之帖